



Selasa, 7 Juni 2022

Ogen: Perb.Rasul-Rasul 8:14-17



"Ngaloken Kesah Si Badia"



Pernah nge kita ngenanami teneng kel pusuhta? Dame kel siakap? Lit pe perbeben e ngasup denga kita ngataken bujur man Dibata, bas si la bagi ukur e ngasup denga kita ngalo-ngalosa?. Mungkin jababenta pernah, mungkin ka lit si jarang. Kira-kira kai nge dalanna maka kita banci ngenanami si bage rupana? Jabapenna lit bas temata sendah *Ngaloken Kesah Si Badia*. Kalak si nggit ngaloken Kesah Si Badia e me kalak si nggo pasti ndatken kemalemen ate sirehna arah Bapa nari.

Banci kin kita la nggit ngaloken Kesah e? banci saja. Sabap, merincuh denga ia ngelakoken sura-sura doni, si ndarami kesenangenna jine alu la ngukuri kalak si deban. Kalak si la nggit ngaloken Kesah e, ndauh sirang ras sura-sura Dibata. Kitab Perbahanen Rasu-rasul 8 nuriken kalak Samaria si nggo ngaloken Kata Dibata, tek ia man Dibata maka ialokenna me pandahin Kesah Si Badia e arah tan Petrus ras Johanes nari.

Uga dage ninta? Nggit ntah lang kita ngaloken KataNa e, seh maka sialoken Kesah Si Badia si mabai kegeluhenta bagi singeNa ateNa. Ola Ambati pendahin Kesah Si Badia si reh man banta, sabap Kesah e nggo pasti nuriken ras ncidahkan kegeluhen si bujur, mpetangkas si lenga payo seh maka iajuk pe guna ndalanken kerna perbahanen, lagu langkah, pengerana si mehuli bagi sura-sura Dibata. Kalak si ngaloken Kesah Si Badia pasti nggo beluh rukur si mehuli, e maka ulanai kita mbiar ras ngaloken Kesah Si Badia e bas geluhta.

Melala kalak si ngelok arah doni enda nari guna nandai Dibata perbahan pendahin Kesah Si Badia e, melala ka kalak ndalanken kebujuren i bas kiniseranna perban pendahin Kesah Si Badia e. E maka tuhu mbelin pengaruh pendahin Kesah Si Badia e man kalak si tek man baNa. Alokenlah Kesah Si Badia e, sabap nggo sikap kegeluhenta ibahanNa.

Kesah Si Badia Merekan Kegeluhen Si Mbaru